



Von Reinicken Fuchs/

Also ließ sich der Bär bethoren/
 Vnd kroch hinein biß vber die Ohren/
 Die fördern Fuß auch zu der fart/
 Der Fuchs sich arbeit da gar hart/
 Die Beil er auß dem Baum bald brach/
 Da kam Braun in groß vngemach/
 Er lag gefangen in der Lichen/
 Ihm half kein schelten oder schmeicheln
 Er pflag zu sein sehr starck vnd kühn/
 Aber hie hat er genug zu thun.
 Also bracht Reinicken den Ohem sein/
 Mit falschheit zu Gefängnuß ein/
 Er gundt zu heulen vnd zu krazen/
 Gar fast mit seinen hindern tazen/
 Vnd machte ein solchen grossen strauß/
 Daß Rustefeil bald lieff herauß/
 Weiß nicht was er bey sich gedacht/
 Ein scharpffes Beil er mit sich bracht/
 Ob es ihm leicht von nöten wer/
 Der Bär lag dort in ängsten schwer/
 Die Klufft des Baums ihn also kneiff/
 Er brach sich/vnd zohe daß er pfeiff/
 Noch mocht er nicht werden erlost/
 Daß er sich seines Leibs getrost/
 Er hatt sich ganz getröst/das er
 Von dannen lebend kem nicht mehr.
 Das hoffte auch Reinicke/da Rustefeil
 Gelauffen kam mit seinem Beil.
 Er rieß: Herz Ohem seit nicht so scheuch/
 Ist nicht souiel das rath ich euch/
 Wie schmeckt der Honig/ist er gut?
 Ich sehe daß Rustefeil dort kommen thut/
 Vielleicht wirt er euch auch bedencken/

Vnd

075

073

079

069

084

064

124

024

174

Ende

Anfang